



## **Universitätsbibliothek Paderborn**

### **Instructio practica ...**

Continens Armamentarium Seu Panoplima Spiritualem - Id est, Varia arma  
& media ad omnis generis tentationes fortiter sustinendas, & feliciter  
superandas, Ad Omnium Quidem Animarum

**Lohner, Tobias**

**Dilingæ, 1688**

Art. III. Quænam sint generalia Tentationum remedia?

[urn:nbn:de:hbz:466:1-48377](#)

nequitiæ cogitationum addicimur; unde oportet non solum exteriùs Spirituum immundorum nos impetus observare, verùm etiam interiorum cogitationum immundicias exaurire. Rectius ergo in progressu hujus Instructionis non multùm curabitur, unde quævis tentatio proveniat, sed potiùs, quibus armis eidem resistendum sit, breviter, solidèque docebitur.

### ARTICULUS III.

#### Quænam sint generalia Tentationum remedia.

VIII. Non equidem ignoro, innuimera ad tentationes superandas remedia & arma assignati ab Ascetis, sed quæ ad pauca, eaque efficaciora revocari, &c, quia ad plures tentationes adhiberi queunt, generalia non immeritò Appellari possunt; de quibus proin, ne omnino ignorentur, hoc loco non nisi breviter agetur, ad scopum præcipuum hujus libelli, qui est, singulis temptationibus creibius in praxi occurrentibus specialia arma & remedia assignare, proprius accedatur.

IX. Primum ergo remedium Christus ipse Matr. 26. præscripsit dicens: *Vigilate, & orate, ne intretis in temptationem.* Quâ ratione autem vigilari debeat, pulchrè S. Augustinus S. 23. de verb. Dom. c. 10. ostendit dicens: *Si ergo dormituri sumus, quando vigilabimus? corde vigila, Fide vigila, spe vigila, caritate vigila, operibus vigila.* Hodie laboramus, & lampades nostræ inter ventos hujus faculi, temptationesque fluctuant, sed ardeat in robore flamma nostra, ut ventus temptationis angeat potius quam extinguat. Hinc S. Petrus I.

c. 5. tam sollicitè monet: *Sobrii estote, & vigilate quia Adversarius vester Diabolus tanquam Leo rugiens circumquarens, quem devoret, cui resistite fortes in fide,*

X. Secundum remedium ab eodem Christo in citato textu præscriptum *Oratio* est, quæ quidem quomodo in tali casu adhibenda sit, Abbas Joannes in vitis PP. l. 3. de humil. & pat. pulchrâ similitudine ostendit dicens: similis debet esse Monachus Homini sub arbore sedenti, qui respiciens feras diversas & serpentes venientes ad se, cum non possit eis resistere, subit in arborem, & salvatur; ita & Monachus sedens in celâ, & videns pravas cogitationes confugiat ad DEUM per orationem, & salvabitur. Nimirum in tali certamine constitutus quivis potest cum optimo Rege Jo-natha 2. Paralip. c. 20. dicere: *In nobis quidem non est tanta Fortitudo, ut possimus huic multitudini resistere, quæ irruit super nos, sed cum ignoremus, quid agere debeamus, hoc solum habemus residui, ut oculos nostros dirigamus ad te;* hinc Joannes Avila dicere solebat: Tentatio ad te, tu ad DEUM. Ita S. Paulus exemplo suo docuit, dum stimulo carnis vexatus tecum Dominum rogavit, ut discederet, à se. 2. Cor. 12.

XI. Tertium remedium est *Principio tentationis ob-stare*: nam, teste S. Chrysologo serm. 1. *Diabolus semper primordia boni pulsat, tentat rudimenta virtutum, Sancta in ipso ortu festinat extinguere, sciens, quod ea subvertere fundata non possit.* Hinc S. Hieronymus monet, ut dum parvus est hostis, interficiatur, ut nequitia elidatur in semine. Et sponsus Cant. 4. hortatur, ut capiantur vulpes parvulae, quæ demoluntur vineas; beatus enim, teste Davide Ps. 136. qui tenebit;

tenebit, & allidet parvulos Babylonis ad Petram. Quod pulchritè confirmans S. Augustinus in Psalm. 48. à D E O inquit, quid dictum est serpenti? ipsa tuum caput observabit, & tu ejus observabis calcaneum. Diabolus calcaneum tuum observat, quando laberis, ut de-  
jciat te, ille observat calcaneum tuum, tu observa caput illius. Quod est caput illius? initium male suggestionis illius. Quando incipit mala sugerere, tunc repelle ante-  
quam surgat delectatio, & sequatur consensio, & tunc vitabis caput illius, & non apprehendet ille calcaneum tuum. Et confirmingans id ipsum S. Gregorius l. 22. mor. c. 7. Si temptationi, inquit, in corde nascenti non fe-  
stivè resistitur, hanc eadem, quam nutritur, horâ robo-  
ratur; neque enim culpa ad opus prodire permittitur, si  
intus, ubi nascitur, extinguitur.

XII. Quartum remedium non immeritò Humili-  
tas assignatur; sic enim S. Antonio, dum mundum  
totum laqueis circumdatum videns, quæsivit, quis  
evasurus sit? humilis, responsum est. Hinc & S. Lau-  
rentius Justinianus dixit c. 1. de cast. Conn. *Quisquis*  
*trophaeum certaminis de malignis Spiritibus reportare*  
*concupiscit, necesse est, ut duplii armorum genere in-*  
*structus sit, à sinistris quidem humilitate, à dextris*  
*verò oratione se protegat.* Nimirum sicut Antheus ab  
Hercule superari nunquam potuit, quando in terram  
se prostravit, sic nec humilis à Dæmone vinci poterit,  
quando se humiliat.

XIII. Quintum est detectio alicui Viro spirituali  
facta: ita jam olim S. Petrus Apostolus l. 3. recoll.  
Clem. suasit dicens: *Unusquisque quod cum movet,*  
*& partem, quam dolet in animo, fateatur, ut possa*  
*consequi medicinam; qua enim silentio conteguntur,*

velut multi temporis vitia difficile curantur ; & ideo quoniam tacentibus non potest facile medicina opportuni & necessarij sermonis adbiberi , proferre debet quisque , in quo animus per ignorantiam languet , tacenti vero remedium dare solius est DEI . Id ipsum confirmans S. Cyptianus l. de Zelo & liv. facilis , inquit , est cura , ubi plaga perspicua est , & citò ad sanitatem medela subveniente perducitur vulnus , quod videtur ; uti exemplo proprio docuit Serapion Abbas , qui furtum & gula peccatum Abbatì coram alijs aperiens Dœmonem in specie lampadis accensæ è sinu suo egredientem videre meruit , & deinceps liber à tentatione mansit , uti Celsianus coll. II. testatur . Sed & alius quidam senex , cum Fratrem quempiam à cogitationibus , quas ei appetuerat , liberasset , eidem dixit : Non concedas Diabolo , nec relaxes animum tuum , sed magis quoties molestus est Dœmon , veni ad me , & increpatus abscedet ; nihil enim sic extædiat Dœmonem fornicationis , quomodo si revelentur stimulationes ejus & nihil eum sic lætificat , quomodo si abscondantur cogitationes ejus . Vit. PP. l. 5. n. 13. Nimirum similis est in hoc impuro amatori , qui Puellam seducere volens , nihil magis studet , quam ut Puella conatus ejus Parenti non indicet .

XIV. Sextum remedium est *Resistentia fortis* : nam juxta commune Proverbiū Diabolus est Leo , si cedas , si stas , ut musca recedit . Quod ipsum confirmingans S. Climachus grad. I. ait , Inimicos nostros intueri animorum nostrorum vultus , & si illos viderint formidare , contrahi , vel immutari contra nos acerbius armantur ; intelligunt enim versutissimè timorem nostrum ; magno itaque animo adversus illos arma capiamus , contra eum

eum enim, qui alaciter pugnat, nullus oppugnando prævalet. Hinc Religiosus quidam cùm acerrimas suas tentationes Patri spirituali exposuisset, & remedium petiisset, hoc unum accepit, ut semper Diabolo Nolo responderet, quod postquam fecit, brevi omnis tentatio evanuit. E contrario verò aliis quidam Frater juvari non potuit, quia in temptatione positus non resistebat, nec ad orationem surgebat, ut fusiùs Rodriguez p. 2. tr. 4. c. 22. refert, meritò ergo S. Jacobus c. 4. monuit: *Resistite Diabolo, & fugiet à vobis.*

XV. Septimum denique remedium est occasionum fuga; nam, ut rectè S. Hieronymus ep. 47. ait, si quis putat, posse versari in delicijs, & deliciarum vi- tij, non teneri, seipsum decipit. Quid ergo tibi necesse habes, quotidie aut perire, aut vincere? quis unquam iuxta viperam securos somnos capiet? Se- curius est, perire non posse, quam iuxta periculum non perisse. Hinc meritò Frater Ægidius, cùm Fratres quosdam quæsivisset, quomodo carnis tene- tationibus obviam irent? & aliùs se turpitudinem vi- tij considerare; alias se ad orationem confugere, & B. Virginis opem implorare; Juniperus autem dixisset, se mox, ubi temptationem senserit, fores occludere, diceréque temptationibus: Auferte vos hinc, jam lo- cus occupatus est, nec alios capit: Juniperi senten- tiam præferre, dixit, eò quod fuga occasionum securissima esset temptationes (carnis maximè) vincendi ratio.

